

四庫全書

集部

欽定四庫全書

明詩綜卷二十二

翰林院檢討朱彝尊編

瞿佑 十二首

佑字宗吉錢唐人洪武中以薦歷仁和臨安宜陽訓導升周府右長史永樂間謫戍保安洪熙乙巳赦還有存齋樂全集香臺百詠

靜志居詩話明初詩家以楊廉夫為祭酒廉夫見同調綴以評語不曰牛鬼則曰狐精此王常

宗論文即以孤比廉夫也宗吉幼為廉夫所賞拾其唾餘演為流派劉士亨馬浩瀾輩爭效之譬諸畫仕女者肌體臃肥形神猥俗曾牛鬼狐精之不若矣其稍有風骨者如射虎何年隨李廣聞雞中夜舞劉琨臨海莫追天下士折腰難事里中兒庶與凌厲相李宗表相近當時嘗取宋元金三朝律詩一千二百首編為鼓吹續音惜乎不得見矣

天魔舞

承平日久寰宇泰選伎徵歌皆絕代教坊不進胡聲旋女內廷自試天魔隊天魔隊子呈新番似佛非佛蠻非蠻司徒初傳秘密法世外有樂超人間真珠璣珞黃金

縷十六妖娥出禁籞滿園香玉逞腰肢一派歌雲隨掌
股飄飄初似雪迴風宛轉還同鴈遵渚桂香滿殿步月
妃花雨飛空降天女瑤池日出會蟠桃普陀烟消現鸚
鵡新聲不與塵俗同絕技頗動君王覩重瞳一笑天回
春賜錦捐金傾內府中書右相內臺丞袖無諫章有曲
譜天魔舞筵宴開駝峰馬乳黃羊胎水晶之盤素鱗出
玳瑁之席天鵝擡彈胡琴哈哈迴吹胡笳阿牢來羣臣
競獻葡萄杯山呼萬歲聲如雷天魔舞不知危高麗女

六宮妃西番僧萬乘師回紇種類皆台司漢兒回避南
人疑天魔舞樂極悲察罕死孛羅歸鐵騎驟金刀揮九
重城闕烟塵飛一榻之外無可依天魔舞將奈何多藏
金叵羅急駕白雲駝陰山之北避兵戈

春社詞

十日一風五日雨社前拜祝神已許瓦盆潑灑斟濁醪
高俎縱橫薦肥豕鳴鳴笛聲坎坎鼓俚曲山歌互吞吐
老巫狡獪神有靈傳得神言為神舞祭餘分肉巫自與

醉裏狂言相爾汝小兒覓餅大兒扶頭上神花付鄰女

高門歎

高門成高門壞不及十年見成敗獸鏹移去屬何人重
構高門臨要津門前牢栽楊柳樹莫被他人又移去

義士行

鍊金鑄范蠡買絲繡平原逝者恐無知徒用勞心魂陋
矣哉烏江八千軍壯矣哉海島五百人任安念舊不改
轍豫讓報讎須殺身酒不必澆劉伶墳上土劍不必挂

徐君墓前樹感君恩重死相從冥漠重泉有蓬處

看燈詞六首

東家砍竹縛山棚西舍邀人合鳳笙官府榜文初出了
今宵喜得晚來晴

銷金小繖揭高標紅藕青梅滿擔挑依舊承平風景在
街頭吹徹賣餚簫

傀儡裝成出教坊綵旗前引兩三行郭郎鮑老休相笑
畢竟何人舞袖長

風簾珠翠動紛紛笑語聲喧隔戶聞
明月滿街天似水
不知何處著行雲

文錦坊西後市南
鬧竿挑過百花籃
少年游子誇輕俊
拾得雙頭碧玉簪

村裏兒童暫入城
隨羣齊上大街行
歸來徹夜渾忘睡
從此春田嬾去耕

清明

兼旬蹭蹬在京華
又見東風御柳斜
客裏不甘佳節過

借人亭館看梨花

過蘇州

白蓮橋下暫停舟
垂柳陰陰拂水流
舞榭歌樓俱寂寞
滿天梅雨過蘇州

偶

桓九首

桓字武孟太倉衛人
洪武中應秀才舉為崇安
從事授桂林河泊大使
終荆門州吏目有江南

軒集

王元美云吏目頗協
風格故多鴻爽之詞

詩話明初詩家操選政者賴良直卿許中麗仲
孚劉仔肩汝炳沈翼士傅王傅孟敬皆有所蔽
惟瞎牛乾坤清氣一編能開生面惜予所鈔
闕七言近體絕句未得全書恒以為憾

雜詩二首

衡茅日岑寂嘉樹生繁陰夙興挹朝爽翛然澄我心如
彼倦飛鳥冀得棲故林抱經味遺言且復理鳴琴惜哉
鍾子沒曠世誰知音

養疴卧丘樊庶得脫塵鞅三徑日就荒行樂倦還往荆
榛既蕃蕪荼蓼亦滋長幽蘭獨憔悴况復纏草莽不因

馨香發豈獲君子賞

早發離江示同舟戴伯貞

夜泊南熏亭曉上白石潭北風颯以爽蕭蕭動征衫
灘水激沙礫桂嶺浮烟嵐顧此道里修遥遥在天南
常恐瘴癘惡三年情不堪今晨始得歸灑然脫塵凡
況遇同袍友高歌酒初酣搔彼頭上雪短髮各鬢鬢
相顧但一歎往事悉已諳林泉在何處為我洗餘慚

夜渡郎官湖

夜渡郎官湖波影忽動蕩搖搖泛孤舟軋軋打雙槳天
闊星自流山黑月未上何處虎牙關令人起遐想

赴夷陵

迢迢上夷陵意促日易暝亂石剗馬蹄叢棘冒衣領登
山若攀天度壑如赴井撫膺欲嘔心喘息屢延頸但逢
過虎跡躡絕行人影顧茲客懷惡况乃道里永毫素難
具陳聊以述短詠

秦文仲授溧陽教諭賦此贈別

淮海秦徵士鬚髯雪滿顛五年三拜詔十日九朝天自
許償詩債誰能與酒錢冷官歸更好不負舊青氊

送陳民初歸廣州兼問訊趙知事公傑

靜江遙帶五羊城官舸乘風畫鷁輕客館鄉人秋送別
高齋弟子日相迎枕椰接葉蠻烟暗螺蚌含珠海月明
到郡為詢賢贊府幾時鞍馬定朝京

趙王孫墨羊圖

王孫長憶使烏桓因念蘇卿牧雪寒落盡節旌無復見

寫生傳得兩鞵看

王孟端墨竹

鳳池退食寫琅玕
醉墨淋漓尚未乾
寄贈故人良有意
清風日日報平安

謝縉五首

縉字孔昭吳人有蘭庭集

張繼孟云孔昭詩情
感而不傷和悅而不

流可謂得
性情之正

詩話孔昭畫入能品予嘗見其山水真蹟華亭
董尚書稱為勝國名流然其詩集刊於永樂中

汝南周傳後儀張肯序之卷末有送盛啓東還
吳詩并寫雲陽早行圖以贈題云永樂丁酉十
月徐用理選其詩入湖海
者英集不得謂之元人矣

修竹塢訪蕭隱士

草堂寂寞西澗坳隔林犬吠聲寥寥幽人無事不出戶
送客有時還過橋溪上斜陽立將盡莎間細路歸仍遙
明朝秋風桂花發卧穩東山誰見招

春思

簾幕風微篆有香起來時候已斜陽梨花雲冷不成夢

蛺蝶一雙飛過牆

寄王廷桂

山連罨畫雲烟好路入苕溪水木清如此江南好風景
故人何事不歸耕

寒食村中

流水涓涓映淺沙石林風急亂啼鴉荒村寒食無人到
何處香來枳殼花

漫興

村村昏黑樹陰濃咫尺湖塘路不通夜半風來雨吹散
權歌依舊月明中

趙迪四首

迪字景哲懷安人自號白湖小隱有鳴秋集顧

言云景哲興洽
情真固是逸才

詩話景哲五古學唐人而得其丰韻二玄遠避
之不知當日何以不列于子之目牧齋據二徐
氏辨景哲非山人其實不然福州林孝廉佶獲
徐興公所藏鈔本鳴秋集有景泰五年迪仲子
壯後序中云先人值時多故投老林泉而同時
閩人鄭閩公望鄭閩公啓郭厓敬夫均有輓鳴

秋山人詩則宜陽人官吏部侍郎賦元夕應制
詩者自是別一人矣壯懷安人中宣德十年鄉
試官南海知縣
具載閩省賢書

題浦舍人梧竹圖

吾懷出塵想飛思凌滄洲湘江夜來雨寒色川上浮涼
飄金井夕露滴銀塘秋故人隔千里對此空離憂

幽人獨憇圖

幽人遺世氛心與浮雲薄薜蘿寒可衣山泉時自濯白
雲林下來黃葉衣上落高風不可攀逍遙在林壑

山水圖

蘇耽昔隱處落日惟孤雲青山丹竈前橘井香氣氤湖
光林際斷嵐氣霞外分仙源不可即清思徒紛紛

周青士云

頗近
常建

殘雨

黃陵日已昏蕭颯涼颼起殘雨挂空江冥濛若千里

郭廬

二首

廬宇敬夫福州人有鏡湖清唱

徐興公云敬夫
吾鄉隱居子百

年來罕有知者其題青鋪嶺絕句云家林想在
空濛外一帶螺江隱翠微又有門前湖白與山
青分攜空過白湖亭之句其所居當在白湖
螺浦之間與趙景哲相鄰竝也

懷鳴秋先生之京

澄江晚悠悠離思杳難極西風鴻鴈飛我憶鳴秋客遠
樹帶餘暉前川起寒色即此待歸舟沙頭埽苔石

送友之京

我正愁寥落君今又北遷春歸萬里外人去五雲邊塞
柳迎征旆江花照別筵離情不可道去住各悽然

鄧林一首

林初名觀善字士齊新會人洪武丙子以明經
中鄉舉官南昌教授擢吏部驗封主事文皇改
名林後坐法戍保安遇赦晚居杭州有湖山游
詠錄退菴集

二月九日大駕北巡賦詩紀事

虎衛三千士龍旂十二辰兩京嚴古制六載重時巡宿
雨開新霽青陽屆仲春鍾山浮王氣輦路動香塵河岳

提封舊車書制度新覃恩深似海過化速如神壽域熙
民物貞符叶鳳麟太平無以報願效華封人

沈山子云
初唐遺莖

平顯 二首

顯字仲微錢唐人以薦授廣西藤縣知縣謫戍

雲南沐黔國延為西席

張宗海云仲微沂長江
徑洞庭道夜郎謫昆明

其為歌詩怪變豪
放得於遠遊之助

題丁野夫畫

野夫已沒四十載化鶴歸來知是非郭外梅村更地主

筆端松石見天機一時好手不可遇
千古賞音如此稀
長憶西湖舊遊處
畫船秋雨白鷗飛

光霽堂

碧雞翠鴻濛夕影到滇水
月出金馬東徘徊白雲裏

施敬十一首

敬字孟莊錢唐人謫居滇

詩話孟莊詩頗清越句如斜日黃留漁浦樹隔
江青度海門山鷗鵲翻黃竹葉翡翠啄破蒼
苔花天吳拔斷蛟龍尾月露洗出珊瑚枝夕陽
靄靄衆山暝秋水迢迢雙鷺明
蒼苔綠深江路

草批把黃盡客窓枝均有風致
若歸燕一首疑是感草除而作

送吳文學東還

結歡未云久詎盡平生語
執手臨路隅離觴聊一舉
殘鐘草堂夕落雁蘆洲雨
相憶渺天涯深悰若爲處

題梅德芳杏林圖

梅仙煉丹處山杏栽無數
賣藥到人間衣裳帶紅霧
花開不知歲子落還成樹
我欲與之言飄然騎虎去

送人還廣陵

會面情方洽，睽違意更長。
天涯同是客，秋杪各還鄉。
黃葉飛揚子，青山繞夜郎。
分襟卽萬里，相顧兩茫茫。

歸燕

已知秋社近，更繞畫梁飛。
主意豈不念天時，難獨違雙
歸。遼海遠對語夕陽，晞花雨
重來日。故巢還是非。

送譚孟端

靡蕪葉齊春水生，故人欲歸傷吾情。
草堂酒盡落花滿，山驛馬嘶殘月明。
醉中執手不忍別，路上逢人須寄聲。

明朝相望隔關塞
惟見白雲天際橫

巴陽夜泊

獨擢三巴夜
秋高片月孤
灘聲將客夢
萬里下東吳

貧樂軒

長卷束牛腰
簞瓢繫牛角
讀書深樹中
不知山日落

塞上曲

八月秋高塞草斑
將軍千騎獵前山
彎弓不射南飛雁

恐有征人附信還

南行途中寄錢唐親友

萬里移家入瘴烟故鄉音耗若為傳
衡陽自古無來雁
況去衡陽又八千

漕溪夜泊

空山孤驛鼓逢逢明月流輝滿大江
水鳥夜寒棲不穩
一雙飛影過篷牕

讀程原道昆陽詩悵然有懷

昆陽市上美人家飲酒曾停過客車
萬里相思不相見

東風吹盡蜜檀花

劉叔讓一首

叔讓揚州人

詩話叔讓題正南門城樓云紅樹一村蒲旬晚
黃雲滿地焚田秋秋夜述懷云南詔羈縻傷極
鬢東湖寥落憶扁舟
蓋亦明初徙滇者

憶弟

漂泊嗟吾老羈遲見汝難西風鴻雁急落日鵲鷄寒渭
北書長絕滇南淚不乾相思朝夕夢懷抱幾時寬

陸顥一首

顥字伯瞻揚州興化人洪武中舉明經官戶部員外郎永樂初與修太祖實錄奉使朝鮮有頤

光集

吳江道中

鱸肥蓴脆正秋風綠水紅橋宛轉通不獨季鷹思故里
扁舟吾亦戀吳中

李孝謙

七首

孝謙名本以字行鄆人與弟悌謙洪永間相繼
舉孝廉皆以母老固辭有中林集

詩話孝謙悌謙忠謙兄弟三人皆有至行其父
仕開饒於貧時會稽胡舜咨金華戴叔能錢唐
楊彥常曹南吳圭一豫章揭伯防先後游四明
仕間招致賓館俾諸子問業故其詩文有法孝
謙撰長律英華度
有可觀惜其不傳

題畫

青天際遠水落日明遙岑奮袖拂蒼石憩此長松陰涼
颼灑露頂正可絃吾琴古調詎自秘坐惜無知音美人

隔秋水望望烟波深何當一相晤曠馬諧素心

題柴昆陵越山春曉圖

君莫著謝公登山屐更莫問子猷泛雪舟請君試看高
堂壁仿佛李白天姥夢中遊於越山川甲天下秦關蜀
道皆土苴柴侯晚年天機精酒酣潑墨為予寫天姥高
出東南天天台四明相蟬聯影落平湖一鑑淨正對賀
老山莊前近山青青遠山小烟霧冥濛漲春曉雲門日
出似聞鐘耶溪樹綠應啼鳥啼不可聞林深不見雲

只疑空青四山合，倏訝飛瀑雙崖奔。
極知妙手奪天造，眞宰上訴天應笑。
獨脚山魃作鬼精，偷向靈巖拾奇草。
水竹江花何處灘，漁郎翠蓑露未乾。
青帘酒家石橋右，棹舟却憶姚江干。
長松之下一片石，竹杖芒屨二三客。
脫巾高挂白雲邊，醉倚青天翠如滴。

送徐允迪還城中

寒梅照虛牖，嚴霜凋弊裘。
故人動歸興，歲晏不可留。
徐卿立身何坦蕩，行年五十猶偃仰。
不思唾手取公卿，却

甘低頭在草莽市中賣藥能逃名杖頭挑錢還解醒悲
來不作窮途哭時復有詩鳴不平忘年之交古來有臭
味相同即為偶來遲去疾奈爾何無限離情付杯酒北
風吹雨凝作花船頭敲冰船尾划道傍行人指歸路城
上棲烏還到家城市塵埃易更改還念山林青眼在看
花有約明年來教我村童埽門待

送巽上人還台州

挂錫遙憐野寺鐘赤城何處問芙蓉歸心千里月千里

行色一重山一重霞洞春深多藥味石橋雲斷少人蹤
秋風紅葉桃花似此日相期谷口逢

新秋寄德鄰

一雨兼旬水沒塍江村涼思陡然增鴻來燕去非迎送
扇故衣新豈愛憎遠成有書終可到小樓無賦且須登
不知明日還晴不船過湖南聽采菱

寄題黃巖張氏隱居

天台佳氣鬱龍蔥中有留侯慕赤松繞屋溪聲長落水

對門雲氣卷成峰
果林秋熟猿將子
藥圃春肥鹿長茸
幽討莫辭行路遠
穿雲已辦一枝筇

題畫

溪頭春水碧粼粼
溪上春山絕點塵
不信白雲都占盡
也應茆屋有閒人

李悌謙三首

悌謙名未詳亦以字行

擬古

驅車前送君送君長亭道落日照道周君行何草草結
交既已晚相去一何早世路多險巇君身詎能保別時
春草深於今已枯橐思君衣帶寬憶君容顏老

春社

今日報春社風光處處同社公三日雨花信幾番風野
老還祈穀村醪可治聾醉歸茅屋卧花月淡朦朧

八月廿夕起東軒步月

今夕何夕耿無眠攬衣起聽更漏傳中秋能隔幾夜遠

明月已減三分圓
雲開數雁影貼地
露冷獨鶴聲徹天
心情未覺坐來倦
燒燈更讀離騷篇

尤安禮一首

安禮字文度吳縣人建文元年舉於鄉官至貴州布政司參議

詩話少參為高士敏方希直所取士樹屏歸田人罕見其面况太守鍾入覲楊東里詢其起居鍾無以應東里曰公為守土吏乃不識尤文度耶鍾歸訪之見一老婦綵巷中布衣紉履環堵蕭然鍾欲割官地益宅謝不可遺以金亦不受鄉人至今傳為美譚其遺文尚存韻語特少送

人從軍一篇雖乏警句然唐名家作古詩亦有如是而止者

送人從軍

秋風正搖落游子遽離羣
結髮事戎行遠戍驟姚軍
悠悠歲月邁渺渺川涂分
何以慰心曲努力樹功勲

錢

安二首

安字靜能後以字行鄆縣人
臨安訓導遷韓府紀善永樂
改元聞其名召至京固以老
辭放還

有畦東集

李杲堂云紀善詩健樸有蒼然之色

舟中遣懷

朝發浙江頭暮宿越城下寒月照船窗清霜肅原野豈
不念別離吾道有用舍俛仰宇宙間孤懷浩難寫強取
囊中琴起彈仍復罷悠悠世上人誰是知心者

喜晴

秋風忽起卷重陰日色微茫照樹林野老扶藜看白石
山人伐木度青岑門前溪水深三尺牆外竹梢高十尋
明日甕頭新酒熟且依松下一開襟

鮑仁濟 二首

仁濟字原弘黃巖人永樂初伊府紀善有怨菴

集

絕句

月移階上花露滴階下樹四顧寂無人流螢自來去

燈下有述

白頭紀善病艱難一點青燈坐夜闌千里恐驚親骨肉

織書猶自報平安

林枝一首

枝字昌達閩縣人號古平山人有效顰集

詩話閩自十才子外能詩而不與其列者有趙迪景哲林紹淳裕鄭文霖汝衆林敏漢孟陳本叔固及昌達也昌達集不傳徐興公家有老儒手錄明初詩今歸林孝廉信予借觀錄之

寄彭韞玉

空齋牢落思寥寥在苒年光逝水消憶得當時分袂處
柳花如雪過江橋

劉績七首

績字孟熙紹興山陰人隱居不仕人稱西江先

生有嵩陽集

顧玄言云孟熙會稽名家屬興豪華才思雄健

詩話殘雪未消雙鳳闌新春先入五侯家晚唐
張蠡詩也孟熙易殘以霽易新春以春風攘為
已作遂以此得名人或少之然竹影橫斜水清
淺桂香浮動月黃昏非江為詩乎林君復易疎
暗二字竟成千古名句所云一字之師與活劉
生吞者有別也張作全詩不稱不若劉之首尾
相當其自題詩本云幼小工刺繡極知鍼綫難
祇緣花樣古不耐俗人看是時人爭學溫李宜
其以拔俗
為嫌耳

題西陵送別圖送姚進士

悠悠復悠悠風吹江上舟今朝天色好送客西陵頭西
陵在何許幕廬春郊樹搔首望行人迢迢上京路京路
一千程官梅照眼明春風濃似酒難浣別離情別離餘
幾日佇得君消息折取杏園花慰我長相憶相憶夢相
仍高樓只自登春潮知我意日夜向西陵

送周明德應詔之京師

閭門柳條未堪折只宜相見不相別人生蹤跡各東西
半是車輪與馬蹄把酒送君城北路曉日鴉啼烏桤樹

一聲歌罷淚沾巾
僮僕催人上塘去
願為轆轤纏青絲
轆轤可轉心不移
男兒出處自有分
與君那得不相離
官家有程行莫緩
後夜相思月還滿

送友人歸番陽

芳草綠尚淺
故園春未殘
平生為客慣
今日別君難
短櫂吳歌曲
哀絲楚女彈
江花正滿眼
且莫下長干

送王內散重戍遼海

別淚不可忍
杯行到手空
風塵重作客
寒暑易成翁
曙

色連關樹秋聲起塞鴻天涯見親友還與故園同

早春寄京師白虛室先生

帝城佳氣接烟霞草色芊芊紫陌斜霽雪未消雙鳳闕
春風先入五侯家歌鍾暗度新豐樹游騎晴驕上苑花
獨有揚雄才思逸應傳麗句滿京華

結客行

結客千金盡酬恩一劍存羞為狗盜伍不傍孟嘗門

月夜獨坐憶錢唐遲師房聽施房昭摘阮

忽思吳客四條絃
出谷新鶯咽洞泉
一曲醉翁何處聽
冬青樹底佛堂前

鄭嘉一首

嘉字原亨紹興山陰人時稱柿莊先生

秋日懷孟熙

故人丘壑隱塵路
往來遲寒暑空相憶
雲山不可期
古碑梅福寺荒井
石郎祠舊日同游處
偏勞入夢思

趙宗文二首

宗文名文以字行長洲人官鄱陽知縣有慎獨

齋集

詩話趙叟傳詩不多率清穩可誦其題金山寺
云淮海西來三百里大江中湧一孤峰凌厲無

前惜乎全
詩不稱

送姜公寔還汝陽同知是日飲餞至曉始別

酒醒江館夜燈微故舊殷勤不忍違孤櫂近從滄海發
一官獨向汝陽歸雲開遠浦青山曉霜落空江野樹稀
明日相思成兩地西風愁見塞鴻飛

清明道中書懷

東風道上亂開花
游子偏驚見物華
寒食已過嗟在客
春衣將換憶還家
山城樹暗人逾靜
野店鶯啼日未斜
空約同游與諸弟
今朝猶自各天涯

陳靖遠一首

靖遠南昌人

姑惡行

芳池月陰春草碧
有鳥有鳥鳴不息
千聲萬聲道姑惡

新婦低回淚痕落姑惡姑惡姑不惡努力牕前勤織作
嗟爾小烏胡不思新婦會有作姑時

錢遜一首

遜字謙伯紹興山陰人洪武末以薦授寧夏提
舉水利吏目永樂初遷知孟津縣改弋陽坐累
戍交趾復官文昌主簿有謙齋集

春詞

紅杏蕭牆翠柳遮重門深鎖屬誰家日長亭館人初散

風細鞦韆影半斜
滿地綠陰飛燕子
一簾晴雪捲楊花
玉樓有客猶中酒
笑撥沉烟索煮茶

何澄一首

澄字彥澤江陰人建文元年舉人永樂初歷官

袁州知府

題畫鴈

蘆花瑟瑟水茫茫
落月沉沙夜未央
離思不禁天外鴈

孤舟燈火客三湘

吳鎮

鎮字稽陽吳江人

重過沙河有感

白鶴沙頭水自波扁舟曾載夕陽過東風一路縻蕪綠
添得春愁別後多

陳觀一首

觀字思賢南海人

詩話明洪永間有四陳觀一不知何許人中洪
武平未進士一中洪武丁丑進士福建永福人

一中洪武庚午舉人字子瀾富陽人一南海人
字思賢子瀾初筮為延平教授調黃州升國子
助教力請補外改武昌教授再調荊州初允應
天同考試官再為江西福建考官調荊州後又
為江西福建考官致仕後復起為應天同考試
官掄文六次居教職五十餘年洵異事也陳少
保循志其墓稱誨諸生之暇輒為詩文以應四
方之求及引年歸日與故舊賦詠為樂惜其詩
傳者罕矣九日登高一律南皮李
時遠云是南海陳觀之作今從之

九日陪李上猶登高

百年能幾遇重陽
遂伴登高引興長
邑宰喜陪元亮飲
參軍那似孟嘉狂
山雲映水搖秋色
浦樹含風送晚涼

滿路黃花應笑我白頭猶自客他鄉

董儒一首

儒字大賓鄱陽人

四明夜泊

孤城臨野戍短檣倚江橋客路辭家久親聞入望遙斷
雲晴後樹明月夜深潮感此無窮恨令人倍寂寥

吳子恒一首

子恒豐城人寧海縣丞有雪厓詩集

詩話子恒詩一卷其曾孫巡撫雲南都御史祺
刊行秀水陶照華容孫繼芳臨海趙淵零陵楊
材皆為之序其弟叔潤中永樂丙戌進士仕至
浙江按察僉事及卒子恒哭以詩云出任應同
歲歸休又共年又云介壽周花甲為官歷四朝
則其卒在正統間也又有八旬自述詩云天與
遐齡八十秋六旬老矣得歸休蓋歸田廿載後
乃沒攷之南昌台州二府志皆不載其人詩雖
欠工趙淵稱其不出位不狎物若
老人整巾體貌自別因存其一絕

高洲

青山西峙水流東
暘谷紫紆一道通
老去相知一藜杖
天邊扶我最高峰

錢復亨二首

復亨松江華亭人蕭山儒學教諭有講餘集

魏仲

房云復亨詩清而不枯華而不豔

蘇臺懷古

闔閭城柳幾春風山遠臺高望眼空
麋鹿不來人亦去
鷓鴣啼處是吳宮

題畫

嫋嫋涼風斷復連青山深處藕花邊
誰家樓外停歌舞

又上西湖十錦船

詩話西湖船製不一以色名者有明玉鎗金金勝寶勝大綠間綠游紅申屠仲權詩紅船撐入柳陰去釋道原詩水口紅船是妾家是也以形名者有龍頭白樂天詩小航船亦畫龍頭是也有鹿頭楊廉夫詩鹿頭湖船唱艤郎是也形色雖者有百花十樣錦錢復亨詩又上西湖十錦船是也以姓名者有黃船董船劉船見吳自牧夢梁錄蓋大者謂之頭船最大者賈秋壑所造車船也車船棚上無人撐駕但用車輪脚踏而行其速如飛小者謂之瓜皮船廉夫詩小小渡船如缺瓜歐陽彥珍詩瓜皮船子送琵琶張大本詩瓜皮小船歌竹枝周正道詩瓜皮船小水中央是也又有總宜船取東坡居士淡妝濃抹總相宜之句名焉李宗表詩總宜船中載酒波

凌彥朋詩幾度湧金門外望居民猶說總宜船
是也四水潛夫述武林舊事值探春競渡日晝
橈櫓比如魚鱗無行舟之路楊謹思詩大船過
鼓銀酒缸小船吹笛缸鱗窓今則敗舫數艘無
復徵歌按舞者矣

蔡庸一首

庸字惟中紹興山陰人

徐氏席上聞歌有感

休遣雙鬟唱竹枝聽來渾不是當時自從夢隔巫山雨

贏得秋風宋玉悲

詩話惟中與鎬孟熙唐愚士毛鼎臣齊名時號
唐鎬毛蔡席上聞歌一絕宛然劉夢得杜牧之

音遺

鄭

關四首

關字公啓閩縣人有石室遺音部齋集

暇日南湖莊上

門逕絕車塵惟聞沙鳥語誰識忘機人
山間坐朝暮南風吹雨來颯爽溪頭樹
白鷗知我閒相看不飛去

題秋江送別圖

美酒雙玉壺沙頭送行客
瑟瑟荻花風寒江秋水白落
日下長空返景明石壁去去入烟霞
相思楚天隔

輓任本立

陸沉誰分聖明朝老向窮途
怨未消荒冢已無行客弔
歸魂徒有故人招臨風短笛
腸空斷落月空梁夢漸遙
從此不須頻北望嶺猿江樹日蕭蕭

竹枝詞

十二灘頭水接天
千山陰雨萬山烟
自從前路風波惡

不敢回頭望別船

朱琳一首

琳字玉林號雨椿嘉興人

雨中過韶州

船下韶龍日欲晡
四山雲起漸模糊
沙鷗衝浪頻來往
汀樹迷烟半有無
作客又驚三月暮
思家其奈一身孤
愁懷結轡渾如醉
獨倚篷牕聽鷓鴣

曾一本一首

一本南昌人

挽屠指揮

一別驚淪沒空遺大樹陰愁枯雙淚眼交絕百年心瘡
海連天闊黃茅過嶺深料應魂未返悵望獨長吟

李進三首

進字孟昭嘉興人永樂初聘為府學訓導有西

園先生集

高念祖云吾鄉少傅俞公山為孟昭
弟子西園先生集五卷少傅子誥所

刊也以校官兩應省闈之聘其在闈則永樂庚
子也具在山東則癸卯也海鹽李孟璠志墓稱

其居喪哭母眇一目而廬陵陳方序其集稱其詩清麗工緻變態不一錢唐姜蓉塘亦極稱之詩話孟昭鐵松居士懷用和士林詩選取以壓卷句如杏花村裏青旗酒楊柳隄邊畫鷁船三月東風初去雁一番新雨又飛花菰蒲風外呼漁艇楊柳陰中認酒樓均有晚唐人風致

花游曲

飛花入簾宮漏長游絲落絮春茫茫金鞍駿馬青絲勒
綺閣小姬紅粉粧黃金作丸落花底啼鳥隔花飛不起
明朝更欲載東風早買湖船放春水

同陳劉二掌教游湖作

湖光潋灩鳥間關
小櫂夷猶意獨閒
春正好時初過雨
望中佳處惜無山
花明遠岸青旗出
柳拂微風畫舫還
四美由來俱不易
人生莫遣鬢毛斑

西湖夜泊

蹇驢衝雪岸烏紗
夜醉西湖賣酒家
十六吳姬吹鳳管

卷簾燒燭看梅花

姜明叔云
蘓籍風流

謝矩一首

矩字元規鄞人有鳴窮集

賦望郎回山

望郎回望郎不回心欲摧化作山頭一拳石質堅不朽
心不灰花開花落秋復春煢然獨立誰與鄰夜深惟見
皎皎月雨晴只有英英雲將心誓比雲與月雲有卷舒
月圓缺百年夫婦終古心豈辨新離與故別此心炯炯
天地知山高水深終相期郎君應有歸來時

姚 黼一首

黼字廷章嘉興人處士有可聞集

寄景伊文學

憶昨逢君四月初
笑談懷抱最相符
朝乘白下看花騎
暮醉長安賣酒壚
別去江山頻悵望
歸來松菊未荒蕪
登臨日候南飛雁
肯寄平安一紙無

張璩二首

璩字蘊之岷縣人

詩話蘊之取材
選體古意猶存

君子有所思行

騁駕向名都縱觀極西京煌煌九衢裏列第起朱甍虹
梁架層漢暈閣度紫清高槐蔭金溝弱柳垂雕楹前揚
許史鑣後曳金張旌燕姬撫瑤瑟趙女彈鳴箏歡娛豈
終極為樂擬千齡清川去悠悠白日光易傾金谷歎綠
珠上蔡悲蒼鷹繇華會當歇大運有虧盈勿嗤黠婁室
寂寞掩柴荆

婕妤春怨

太液柳垂絲昭陽花滿枝如何長信草獨是得春遲

項 伍 一首

伍字如僉溫州瑞安人

秋江送別為戴友諒賦

蕭蕭落葉早寒天
忽送秋聲到耳邊
千里客心驚歲月
五湖鄉夢入風煙
青山紅樹還家路
綠水滄洲載酒船
夜半燈前對兒女
白頭重話謫居年

明詩綜卷二十二

欽定四庫全書

明詩綜卷二十三

翰林院檢討朱彝尊編

廖駒一首

駒閩人有彊恕齋豪

思親

戎馬何時歇奔馳倦此身青燈孤館客白髮倚門人書
信連年絕家山入夢頻歸來未有日回首一沾巾

李孟璿 一首

孟璿名均海鹽人以薦官府學訓導有南莊集

靜志居詩話海鹽半邇劉長卿詩所云半邇鶯
滿樹也近市有呂冢土人相傳是吳孱陵侯蒙
所葬考之吳志荊州記蒙卒於公安葬於蒲圻
則非蒙冢明矣按漢季黃巾之亂吳有許昇妻
呂榮不辱於賊為所殺廩府君斂錢葬之嘉興
南地名義婦堰然則冢為榮之冢也南莊西溪
兄弟實居於是予少日欲編緝李先民詩李
布衣麟友為二李族孫錄其宗譜所載南莊西
溪詩各數十又有李景孟詩一卷今已亡之僅
就英華集中兄弟各錄一首景孟中景泰甲戌
進士求其詩不復
可得附識於此

擬古

卞氏有美璞采之荆山中至寶不先剖獻君乃至公玉
人何嫌猜三獻兩見刖抱之發長號淚盡繼以血宋人
貴凡石得之梧臺東周客視之笑本與瓦甕同忠言翻
見惡藏之愈深固自誇天下珍和璧安足覩嗟哉優與
劣賤目豈能別

李季衡 一首

季衡名平孟璿之弟有西溪集

蘇臺

姑蘇臺畔舊長洲江水無情只自流人去不生歌舞夢
客來空動古今愁烟光漠漠孤城晚樹色蒼蒼故壘秋
不獨淒涼眼前事越王宮闕亦荒丘

徐

璲

一首

璲字德熙

秋日江館寫懷

水國天寒樹影稀西風又見鴈南飛
郢中白雪無人和水

湖上青山有夢歸，獨對浮雲傷往事。
驚看秋草又斜暉，十年浪跡烟波外。
滿眼塵氛未拂衣。

朱純 三首

純字克粹，紹興山陰人。

登龕山

長江限吳越，形勝一何雄。
島嶼蒼茫外，乾坤浩蕩中。
江連理日霧，汀暗走沙風。
忽起乘桴歎，滄洲不可窮。

怨詞

井上梧桐樹密葉何沉沉傷心昨夜月照見雙棲禽

天寶宮詞

落盡宮花輦路荒鑾輿西狩嶺雲長詞臣休望金雞赦
蜀道艱難勝夜郎

李勗 一首

勗字文勉紹興山陰人

送春

彊對東風酒一尊留君無計黯消魂綠波芳草汀邊路

飛絮殘陽柳外村鶯倦語時
渾寂寞客傷離處又黃昏
寒燈孤館何曾寐山雨蕭蕭獨閉門

李仲訓一首

仲訓號峴山南昌人仕至吏科給事中

西臯詞

酒熟黃雞肥後月圓丹桂香時誰道先生無事半醒半

醉題詩

賀承一首

承字宗振蘇州人

湖鄉佳處為朱昌年題

湖鄉佳處足幽棲
路入蒹葭望欲迷
一水遠連天上下
幾家如在灤東西
紅塵市迴人稀到
綠樹春深鳥自啼
何日編茆居此地
杏花春雨看扶犁

高壁 二首

壁字貴明紹興山陰人有遯菴豪

秋日逆旅送友人

七澤波濤險三邊道路窮生涯同汎梗蹤跡歎飛蓬晚
色平蕪外秋聲落木中母將衰颯淚臨別灑西風

春草宮

宮花已寂寞宮柳亦凋零惟有宮前草春來依舊青

胡紀二首

紀字大年舒城人永樂甲午舉人歷官山東布

政司左參議

詩話大年以孝行聞父母之喪俱廬墓次猛虎
引避羣鹿來馴有司旌表其門平生以詩畫書

得名稱淮

西三絕

卷二十三

寄懷翁復初 二首

曾對東風倒玉壺
花前痛飲醉相扶
湘山此日君思我
苦竹叢深聽鷓鴣

別後茫茫歲月催
眼看花謝又花開
相思莫道書難寄
落鴈峰前有鴈來

王 佐 二首

佐字汝學臨高人
正統丁卯舉人高州同知有

雞肋集

瓊州 二首

斷虹飲海日光移西北雲屯少定姿
颶母呼風千里至
三間茅屋可能支

五指分山析四州那盆峻嶺却當頭
一支瀉下朝東水
去與瓊州作上流

俞膺 一首

膺富陽人

詩話富陽春江隄在縣南覓浦至觀山三百餘丈皆壘以石縣令李濬所築歲久圯宣德十年知縣事吳堂允升重築之民感其惠更名吳公隄云

吳公隄歌

富春建邑臨濤江江聲日夕相春撞颶風秋來簸銀屋
海若欲使蛟鼉降蛟鼉降遲海若怒桑田往往棲鷗鷺
幾人縮手空嗟吁謂是天閭杳難訴吳侯請命不憚勞
隄成却恨來何暮老翁扶杖城南行喜見髻年舊游路
錢塘已祀眉山蘇富春今拜番陽吳乃知興廢有前定

賢守賢令無時無賢守賢令無時無憑誰畫作雙隄圖

陳延齡

二首

延齡富陽縣丞

妙智寺

永安山高一萬丈妙智寺建三千年古澗泠泠瀝蒼雪
畫樓面面開青蓮老猿果熟占一壑怖鴿燈暝依諸天
老夫登臨發長嘯風露滿身寒不眠

大安院

詩人假榻古蘭若松風澗水相泠泠
優婆塞傾椰子酒
須菩提譜蓮花經龍鱗樹老雨中翠
佛髻山高雲露青
借問金仙渺何許香臺去後三千齡

黎公弁

一首

公弁字之冕臨川人舉明經正統中授臨潁教諭
調蒲圻有蓴川雜詠

金疊山

青山天際來勢若雙飛蛾
平明宿雨收嵐氣生林阿
非

煙亦非霧炫日金碧多流鶯緩語處坐愛春風和

沐

璘

三首

璘字廷章定邊伯昂之孫贈都督同知僖之子
官至右軍都督特進榮祿大夫有集

滇南即事

二首

自昔梁州域西南路盡通碧雞名岫遠金馬故關雄羅
婦裙花布蒲蠻臂柘弓聖恩同覆載處處樂時豐

萬山藏古砦六詔雜諸蠻焚女頭籠帽番僧耳墜鑲啖

蛇傳土俗屠犬祀神姦更有西戎種輕生性最頑

午日

蛇首裝船十丈長船頭鑊鼓間笙簧百夫劃漿齊聲去

阿瓦城河沸似湯

李分虎云阿瓦國王每夏五月以舟師會諸小國於江上都督沐璘作詩

至今傳誦之

廖俊一首

俊字文英號竹崖蒲圻人中景泰元年鄉試授

漢州學正調嘉定州有芙蓉百詠

詩話竹崖為漢州學正一日過開元寺聞諸僧誦經音韻朗然歎曰不愈於學生乎乃擇其年幼者四人趙果方璧周冕張教置之先賢堂中朝夕誨之後果舉進士璧冕俱領鄉薦而教亦由貢生為府通判再調嘉定手植海棠於學賦詩云曾於雨裏覓蒼苔幽洞移來手自栽枝幹已成人欲去好花他日為誰開每賓興以花盛開為驗云

西良湖

南邦遺跡在西良
鳬鴈依然滿石梁
我向浮洲臺上立
不勝惆悵到斜陽

潘亨 四首

亨字從禮淮安山陽人景泰丙子舉人同知武

昌府事有冰壑先生遺藁

余子華云冰壑老人詩麗而雅郭克諧

云冰壑之詩雋而不露深而不僻質而不俚

風韻乎大雅遺音

詩話冰壑詩格高聳比於十才子似覺軼倫

北固晚眺

極目蒹葭外西風白紵涼殘霞隨野鷺落日送飄檣水接蓬萊近山連楚越長六朝遺恨在誰為管興亡

七里灘

怒濤催遠客，帆落釣臺陰。
夜雨他鄉夢，秋風何處砧。
渚煙籠樹杪，澗水入溪深。
中有垂綸者，茫茫不可尋。

蟋蟀

愁對燈前影，時聞牀下聲。
要知因物付何用，不平鳴斷續。
許多意，淒涼無限情。
誰家急砧杵，海內已休兵。

聞子規

崎嶇蜀道馬行遲，到處空山有子規。
慎莫夜啼枝上月，思家正是夢回時。

張振一首

振字孟起嘉興人

貧居

青眼交遊覺漸稀
側身天地可相依
若知白石真堪煮
何待黃精為療飢
已過禁煙無熟食
不因沽酒典春衣

蒼苔碧草侵階長
高卧空齋晝掩扉

周青士云孟起貧居之作曲盡寥人

情狀誦之若有鬼抑
掄於劉伯龍之側也

楊範一首

範字九疇鄞人有棲芸豪

鏡川

斜日一輪山上頭輕霞片片漾波流平蕪野岸碧千畝
喬木人家紅半樓沙鳥迴翔將下宿田夫被濯欲歸休
漁舟各已收緡去漸有燈明蘆荻洲

韓永一首

永字景修嘉興人

詠梅次竹鄰

昔訪逋翁宅牆頭露半梢因吟暗香句行過段家橋

盛寅 一首

寅宇起東吳江人太醫有流光集

暮春雜詠

青青楊柳拂簷牙杏酪香來客念家惆悵墓田吳苑曲
幾年寒食在京華

周德行 一首

德行嘉興人自號農圃居士

寄泮水諸公

早年曾許筆如杠
老我於今興已降
作客渾如錦江杜
攜家未遂鹿門龐
沙鷗睡熟原相並
梁燕飛來偶自雙
昨夜夢魂歸別墅
富春山鎖白雲牕

許穆一首

穆宇士深松江華亭人

送邵昇遠之官吉州

京華相見惜分攜
歌罷驪駒思欲迷
獨客自憐留日下

一官君喜向山西天涯月落聞雞唱驛路花開聽鳥啼
想得到州春未晚柳條垂綠草初齊

沈恒一首

恒字恒吉長洲人

題劉廷美畫

十載天涯作宦遊黃塵飛滿紫貂裘歸來不歎長塗險
猶寫關山萬里秋

岑琬二首

琬字公琬餘姚人有雪崖集

聞鶯懷戚學正在滄洲

我有故人在滄洲思之不見心悠悠木蘭為楫沙棠舟
南來鼓櫂乘中流嚶嚶好鳥如相求載飛載止鳴不休
願以盟言結綢繆為予一洗離居愁何以報之青琳球

松陵道中

野闊煙凝樹湖深水近田了鬟挑菜女獨櫓賣魚船鳥
去青山外帆收古驛前孤吟看北斗戀闕竟忘眠

陳 雖 一首

雖字惟肅海寧人

葛嶺懷古

山上樓臺湖上船
平章醉後嬾朝天
羽書莫報樊城急
新得蛾眉正少年

錢 曄 一首

曄字允輝常熟人
浙江都司經歷有避菴集

李

之云江陰周岐鳳多技能坐事亡命扁舟夜泊
曄投以詩岐鳳得之大恟江南人至今傳之

贈澄江周岐鳳

琴劍漂零西復東，舊游清興幾時同。
一身作客如張儉，四海何人是孔融。
野寺鶯花春對酒，河橋風雨夜推蓬。
機心盡付東流水，惟有家山在夢中。

陳顥 一首

顥字漢昭，嘉興人有竹鄰集。

立春

蕭條書劍客邊身，望望歸期過立春。
官柳漸黃梅已白，

東風應笑未歸人

張 慊 二首

慊字汝誠鄆縣人有東臯集

四月三日

未盡傷春酒一杯微風吹雨又南來
浮雲心事何曾定
逝水年華更不回
數尺雞頭添穉竹
一簾鼠耳長高槐
博山無火清香度
何處薔薇昨夜開

贈天童詩僧讓公

自聞方外說天童夢繞青山十里松
珍重能詩老支遁
尋常結社勝爐峯傳書度海朝憑鶴
擊鉢臨江夜擾龍
今日東風花縣裏解衣留偈得從容

李迪一首

迪字啟迪鄞縣人

郊游

栗杖風前處處扶
林花掩映失前途
兒童也喜尋春客
說與東村賣酒壚

張肯 二首

肯字繼孟吳人有夢菴詩藁

沈如美所畫美人圖為徐文輝作

流蘇綴綵鴛帳寒金鴨不飛香縷殘新霜撲簾白如粉
啞啞烏啼金井欄芙蓉屏開睡初醒守宮淺褪胭脂冷
玉釵慵整雙鳳凰春愁壓翠蛾眉長

送人之官嶺外

曉裝帶雪出吳門惜別休辭酒滿尊邊徼一官同謫宦

平安萬里即殊恩
月明好度梅花嶺
雨過頻穿柵葉村
想得龍城公退後
故鄉風景與誰論

杜 瓊 二首

瓊字用嘉吳縣人自號鹿冠老人又號東原耕
者卒門人私謚曰淵孝先生有東原集

挽陸徵士

蕭蕭白楊樹瑟瑟鳴西風
嚴霜墮百草草下哀寒蟲
方當歲徂邁那堪悲送終
平生結交好一旦隔音容
魂氣

竟何之遺軀返幽宮挽棺向西麓去去不復東斜照寒
無光頑陰蔽羣峰隧道一深閉千秋恨難窮徘徊不能
去灑淚心忡忡

采菱圖

苕溪秋高水初落菱花已老菱生角紅裙綠髻誰家人
小艇如梭不停泊三三兩兩共采菱纖纖十指寒如水
不怕指寒并刺損只恐歸家無斗升湖州人家風俗美
男解耕田女絲枲采菱即是采桑人又與家中助生理

落日青山斂暮烟湖波十里鏡中天清歌一曲循歸路
不似邪溪唱采蓮

秦

旭

九首

旭字景暘無錫人有修敬先生集

趙桂野云先生詩因事成

言遇景命賦直吐骨髓風骨自存程克勤云公詩醲郁峻整諸體咸備李賓之云公詩得

肯綮能作

驚人語

詩話景暘五峰之父五峰於天順間通籍景暘詩名著於鄉鄰久矣成化壬寅結碧山吟社於惠山之麓與者十人陸勉懋成高直惟清陳履天澤黃祿公福楊理叔理李庶舜明陳公懋行

之施廉彥清潘緒繼芳其一則景暘也時舜明
年八十六景暘八十五天澤八十三懋成八十
二惟清七十九公祿七十三叔理七十二行之
六十九彥清六十一惟繼芳年未五十諸公彊
之入社其後享年八十餘是時常熟馬紹榮宗
勉榜其門長洲李應禎貞伯扁其堂盱江左贊
時翊名其亭同邑邵寶國賢為之記長洲沈周
啟南為之圖江左傳為佳話吟社九人皆處士
獨景暘以子貴封武昌知府行之好著書故景
暘詩云先生宜特天趣高著書厭嚼前人糟後
於宏治元年上所著書大要謂尚書周易大學
中庸注失經迷臣有一得頗能析理通政使以
奏內自稱庶人且穿鑿害道乞正其罪泰陵命
焚其書押遣還鄉事載實錄而談修惠山古今
考遺之

傷春詞簡繼芳

東風陣陣花狼籍老夫鉤簾空歎惜狂來扶病欲出門
門外春泥深一尺徐家園裏葛家樓回首繁華逐水流
安得紅顏生羽翼玉笙吹上崑崙立

苦雨簡立夫

鶉鴝雙雙啼屋角細雨斑斑晴復作碧水蒼苔野外昏
挑燈坐聽簷花落輕寒側側透重扉番把羅衣換袂衣
出門可奈春泥滑孤負西山筍蕨肥

雨齋簡惟清

瀏瀏竹間雨瀟瀟
牕外鳴小池
收暑氣疎柳作秋聲
鬢雪蒙頭冷腰金照眼明
年光太忽迫何處學長生

酬黃公祿

春城無伴獨徜徉
江草江波帶夕陽
同學幾人千里夢
相思一日九迴腸
東吳文社今寥落
南國音書孰寄將
遙想杏花軒裏客
習池蹤跡久荒涼

寄公祿

海內新詩久不聞東樓高卧思紛紛
牕含竹色清如許人比梅花瘦幾分
銀燭翠壺歌白苧畫船春水載紅裙
昔年樂事俱陳迹愁對孤燈更憶君

松菴避暑

秋燈禪榻鬢絲絲行樂鄉山也自宜
草閣共招溪上月茶爐重和卷中詩
牧之有意尋春早靈運無緣入社遲
且與諸公相對飲風流不減會昌時

送人還京

青楓江上葉蕭蕭
汴水淮雲去路遙
宮燭漸低鄉夢斷
家山將近客愁消
霜寒鐵甕秋聞柝
月落揚州夜聽潮
厚祿故人如問我
白頭甘作惠山樵

與懋成惟清公祿叔理舜明山行歸途有作

落梅風急放湖船
六客逍遙是散仙
雪白河豚新入饌
鵝黃楊柳未成綿
松菴相地開詩社
花市留衣當酒錢
寄語諸公慎終始
莫因勤怠誤流年

題畫梅

沙際春煙濕未消
落梅風急送輕橈
江邊有客尋詩去
應在西湖第六橋



明詩綜卷二十三